



PARLIAMENT
OF THE REPUBLIC OF SOUTH AFRICA

XIKOMBELO XO LANGHIWA

KU THORIWA KA SWIRHO SWIMBIRHI EKA HUVO YO TIYIMELA YA VUHLANGANISI BYA VULAWURI YA AFRIKA-DZONGA (ICASA)

Mihlangano na/kumbe vanhu va rhambiwa ku langha vanhu ku siva swivandla swimbirhi eka Khansele ya ICASA tanihilaha ku simekiweke hakona hi ku ya hi Nawu wo Cinca wa Vulawuri bya Vuhlanganisi byo Tiyimela wa Afrika-Dzonga wa Nomboro ya 13 wa 2000 [Tanihilaha wu cinciweke hakona hi Nawu wo Cinca wa Vuhaxi wa Nomboro ya 64 wa 2002 na Nawu wo Cinca swa Vulawuri bya Vuhlanganisi byo Tiyimela wa Afrika-Dzonga wa Nomboro ya 2 wa 2014].

ICASA yi endla swinawana na tipholisi ta ku fambisa vuhaxi na vuhlanganisi bya tiqingho hi ku landza ku tsakela ka vaaki, ku tiyisisa ku nga voyameli tlhelo rin'we na ku hambana ka mavonelo na ku veka tihlo mbangu na ku sindzisa ku landzeleriwa ka milawu, swinawana na tipholisi, ku twa na ku tsema mikwetlembetano na swivilelo hi indhasitiri, ku kunguhata na ku lawula makhomele ya tieriyali ta swa vuhlanganisi na ku sirhelela vatirhisi eka mitolovelo ya swa mabindzu yo ka ya nga ri kahle, vukorhokeri bya xiyimo xa le hansi na swimakiwa leswi onhaka kumbe swa xiyimo xa le hansi.

Vanhu lava thoriweke va fanele ku tinyiketa ku nga voyameli ethlhelu rin'we, ntshuxeko wo humesa mavonelo, ku va ivaleni, vutihlamuleri, naswona va fanele ku yimela vanhu va tiko ra Rhiphabiliki hi ku hambanahambana ka vona na ku va na mithwaso leyi ringaneleke, vuswikoti na ntokoto eka swiyenge leswi katsaka vuhaxi, vuhlanganisi bya elektironiki na pholisi ya swa tiposo kumbe matirhelo, nhluvukiso wa pholisi ya vaaki, vuinjhinere bya swa xielekithironiki, nawu, thekinoloji ya swa mahungu, vundzeni bya xivumbeko xihl kumbe xihl, ku vusirheleri, dyondzo, vunkonta, swa timali kumbe vuswikoti kumbe mithwaso yin'wana yihl kumbe yihl leyi fambelanaka, naswona va fanele va va vaakatiko va Afrika-Dzonga lava tshamaka eRhiphabiliki nkarhi hinkwawo.

Ku langha loku tsariweke ku fanele ku va na mavito hi xitalo na adirese ya nhlngano na/kumbe munhu loyi a langhaka, nsayino wa muyimekulanghwa wa ku amukela ku langhiwa na Papila ro Titivisa ra wena, leri nyikaka vuxokoxoko lebyi landzelaka:

- Mavito hi xitalo, Nomboro ya pasi na rimbewu
- adirese yo tihlanganisa, tinomboro ta riqingho na fekisi na adirese ya imeyili
- ntokoto wa khale (lowu tshahaka masiku na mihlangano leyi khumbhekaka)
- Tikhopi ta mithwaso ya xiakhademiki leti tiyisisiweke na nomboro ya pasi.

Ku langhiwa na swivutiso swi fanele ku kongomisiwa eka Komiti ya Vuangameri ya Huvo ya Rixaka eka swa Vuhlanganisi (Kongomisa eka: **Tatana Thembinkosi Ngoma**, Matsalana wa Komiti), 3rd Floor, 90 Plein Street, Cape Town, 8001 kumbe imeyilela eka tngoma@parliament.gov.za kumbe fekiselala eka **0865225740**. Swivutiso hi riqingho swi nga kongomisiwa eka **(021) 403 3733** kumbe **0837098407**.

Siku ra ku pfala ku langha: Ravuntlanu, 30 Khotavuxika 2017 hi 16:00.

U komberiwa ku tekela enhlokweni leswaku vayimelakulanghwa va ta boheka ku kamberiwa mithwaso ya vona na mpfumelelo wo tirhana na timhaka ta xihundla ta tiko. Swikombelo leswi nga ta hlwela swi nge tekeriwa enhlokweni.

Xi humesiwile hi Tatana Humphrey Maxegwana, Xirho xa Palamende: Mutshamaxitulu – Komiti ya Vuangameri ya Huvo ya Rixaka eka swa Vuhlanganisi.

Parliament. Making Democracy Work

www.parliament.gov.za